

見回身側卧祥雲動復往仙宮人爭畫家家供養處處總欽崇

又

妙行真人重陽師父遇師呂祖玄通十年了道歸去得乘風一  
紀三番下界性正直凡事依公天上現無爲手段超顯自然功  
全真文集裏藏機隱密妙在其中論龍吟虎嘯嬰姪嬌容玉  
內金光燦燦神丹結躍出靈宮人還悟速修清淨休受世間崇

贈辛五翁姜四翁

豪富過人作爲異眾萊陽姜鑑辛通文登趁醮不憚冒霜風來  
往近乎千里投壇告馬鉅姜公持孝道宰公聞得惠酒勞奇功  
虔誠達感應醮儀纔罷仙現雲中命丹青妙手傳寫奇容從

道藏輯要

洞玄金玉集

卷

胃集六

此住行坐卧搜斡運陰裏陽宮忘塵事鄉人欽羨相重更相崇

贈萊陽縣眾醮首

高密鍾真萊陽姜鑑廢坊辛氏名通邀予追薦不避雪和風捧  
示眾官書疏跪領外承順諸公居環堵一餐薄粥須辦十分功  
加持非草草玉山踏碎金藏願中要虎龍交媾產出元容整  
頓精神惺灑救亡靈盡赴蓬宮人聽勸齊心樂善釋道一般崇

赴登州黃籙大醮

松柏巖前煙霞洞裏清風吹動靈苗水昇火降大藥自然燒歌  
舞相陪童稚利名棄不讓漁樵忘人我清貧爲樂怕底是塵囂  
人來求追薦千言萬語苦苦相邀便加持齋戒遙拜雲寮禱

告重陽師父救亡靈得上青霄鸞鶴引孤魂滯魄相從總逍遙  
文山七寶會眾勸菴告名因而示詞

七寶菴中三清門裏全真堂建相當東西廊舍堪可做雲房鑿  
石名爲丹井水甘美有若瓊漿玄玄處修真環堵幽雅不尋常  
雲朋并霞友微申講論妙裏斟量處身心清淨便是仙方調  
息如同龜息命燈內性月圓光齋場上文山道友唱此滿庭芳

道藏輯要

洞玄金玉集

卷

胃集六  
18